

Samþykkt þessi staðfestist hér með samkvæmt lögum nr. 7 12. janúar 1945, 114
um jarðræktar- og húsagerðarsamþykkitr í sveitum, og reglugerð um jarðræktar- 19. júlí
samþykktir frá 20. febrúar 1946, til þess að öðlast gildi þegar í stað, og birtist til
eftirbreytni öllum þeim, sem hlut eiga að máli.

Landbúnaðarráðuneytið, 19. júlí 1946.

F. h. r.
Vigfús Einarsson.

Arni G. Eylands.

JARÐRÆKTARSAMÞYKKT

115

19. júlí

fyrir Ræktunarfélag Gnúpverjahrepps.

I. KAFLI

Takmörk samþykktarsvæðis og markmið.

1. gr.

Félagið er stofnað samkvæmt lögum nr. 7 12. jan. 1945, um jarðræktar- og húsagerðarsamþykktir í sveitum.

Samþykktarsvæðið er Gnúpverjahreppur í Árnessýslu.

2. gr.

Tilgangur ræktunarfélagsins er sá, að efla bændur á samþykktarsvæðinu til hvers konar jarðræktar. Tilgangi sínum vill félagið ná með eftirfarandi aðgerðum:

1. Mæld sé stærð akra og túna á samþykktarsvæðinu og sé þá tilgreind stærð þess hluta túnanna, sem þýfður er.
2. Athuguð séu skilyrði til nýræktar á hverri jörð og framkvæmt val á ræktunarlandi og sé greint á milli þess lands, sem þurrt er, og hins, sem ræsa þarf fram.
3. Mælt sé fyrir og skipulagt framræslukerfi á ræktunarlandi þeirra jarða á samþykktarsvæðinu, þar sem framræslu er þörf og sé framræslukerfi þeirra kortlagt eftir því, sem nauðsynlegt þykir og við verður komið. Athuganir þær og mælingar, sem hér um ræðir, ásamt kortagerð, sé gert af þar til hæfum manni, sem Búnaðarfélag Íslands samþykkir til starfsins.
4. Ræktunarfélagið tekur að sér, eftir því sem fyrir er mælt í samþykkt þessari, að annast þær ræktunarframkvæmdir, sem tilgreindar eru undir staflið a.—c. hér á eftir, á öllum jörðum á samþykktarsvæðinu, að undanskildum þeim, sem falla undir ákvæði VI. kafla jarðræktarlaga, nr. 54 4. júlí 1942, um búferlaflutning:
 - a. Að ræsa fram land til jarðræktar. Tekur framkvæmdin til fullnaðarframræslu á landinu með opnum skurðum og lokræsum.
 - b. Að framkvæma jarðvinnslu á þýfðum tünnum jarða á samþykktarsvæðinu.
 - c. Að taka að sér hvers konar jarðvinnslu til nýræktar.

II. KAFLI

3. gr.

Ræktunarfélagið kýs sér þriggja manna stjórn og jafnmarga til vara. Skal hún kosin á aðalfundi ræktunarfélagsins til þriggja ára. Gengur einn maður úr stjórn árlega, fyrstu tvö árin eftir hlutkesti, en síðan eftir starfsaldri. Stjórnarnefndarmenn má endurkjósa. Aðalfundur skal einnig kjósa tvo endurskoðendur

115 og varamenn þeirra. Ganga þeir úr sitt árið hvor, fyrst eftir hlutkesti. Sama gildir 19. júlí um kosningu varamanna.

4. gr.

Aðalfund skal halda árlega, eigi síðar en í marzmánuði, og aukafundi þegar stjórnin telur ástæðu til eða ef um það kemur fram krafa undirrituð af a. m. k. $\frac{1}{3}$ hluta bænda á samþykktarsvæðinu.

Formaður boðar til funda og stýrir þeim. Ritari sér um bókun fundargerða. Gjaldkeri hefur á hendi reikningshald fyrir allar framkvæmdir, sem gerðar eru á grundvelli samþykktar þessarar, og annast allar innheimtur og greiðslur eftir ávísun formanns. Fela má formanni að fara með gjaldkerastörf, ef hentara þykir.

5. gr.

Aðalfundur er lögmætur, ef mættur er fullur helmingur félagsmanna. Til aðalfundar skal boða með skriflegu fundarboði með hálfis mánaðar fyrirvara. Liggi fyrir tillögur til breytinga á samþykktum félagsins, skal þess getið í fundarboði.

Fyrir aðalfund ber að leggja: 1. Endurskoðaða reikninga ræktunarfélagsins. 2. Skýrslu um framkvæmdir s. l. árs. 3. Framkvæmdaráætlun fyrir næsta starfsár.

6. gr.

Stjórn ræktunarfélagsins annast kaup á nauðsynlegum vélum og verkfærum til þeirra framkvæmda, sem um getur í þessari samþykkt, 2. gr. 4. lið, stafl. a.—c. Skytt er henni, sbr. 8. gr. laga um jarðræktar- og húsagerðarsamþykktir í sveitum, að hafa samráð við verkfæranefnd ríkisins um kaup og val vélanna.

7. gr.

Stjórnin sér um kaup á öllu því, er þarf til reksturs og viðhalds á vélum þeim og áhöldum, er keypt verða.

8. gr.

Stjórnin annast um allan rekstur vélanna. Henni ber að gera og undirrita alla verktökusamninga við hina einstöku framkvæmdaaðila á samþykktarsvæðinu og ákveða á hvaða tíma og í hvaða röð verkefnin eru tekin fyrir, sem unnið skal að.

9. gr.

Stjórnin ræður starfsmenn og ákveður launakjör þeirra. Heimilt er stjórninni að ráða framkvæmdastjóra til eins árs í senn. Getur hún falið honum með erindisbréfi umsjón með daglegum rekstri og verkstjórn vinnuflokka.

10. gr.

Allir samningar, sem stjórnin gerir fyrir hönd ræktunarfélagsins, samkvæmt samþykktum þessum eða ályktunum aðalfunda ræktunarfélagsins, eru skuldbindingandi fyrir alla félagsmenn, er að samþykktinni standa, án þess að það hafi verið sérstaklega undir þá borið.

Stjórn og framkvæmdastjóri bera ábyrgð gerða sinna fyrir aðalfundi ræktunarfélagsins.

III. KAFLI

Um tilhögun framkvæmda.

11. gr.

Skytt er stjórn ræktunarfélagsins að skrá verkbeiðnir félagsmanna fyrir febrúarlok ár hvert. Skal þar tilgreint, hvaða jarðabætur óskað er að séu unnar á því ári, svo og verkmagn þeirra. Skýrslunum fylgi greiðsluskuldbinding frá verkkaup-

endum um það, að þeir takist á hendur ábyrgð á greiðslunni fyrir þau verk, sem unnin verða hjá þeim á því ári.

115
19. júlí

12. gr.

Að fengnum skýrslum þeim, sem um getur í 11. gr., skal stjórn ræktunarfélagsins semja framkvæmda- og rekstraráætlun fyrir yfirstandandi ár. Framkvæmdastjórn er skylt að framfylgja settri starfsáætlun, eftir því sem við verður komið.

13. gr.

Við undirbúning framkvæmdaráætlunar sé þess gætt:

1. Að jarðir þær, sem minnst véltækt land hafa, sitji fyrir um vinnu, eftir því sem unnt er, án þess það valdi óhæfilegum aukakostnaði og tímatöf við tilflutning véla milli vinnustaða.
2. Að jarðvinnsluframkvæmdir hvers bónda séu í sem mestu samræmi við það áburðarmagn, sem hann hefur yfir að ráða.
3. Að túnsléttun sé, að öðru jöfnu, látin sitja fyrir öðrum ræktunarframkvæmdum.
4. Að land það, sem brjóta á til nýræktar, hafi áður verið ræst fram á fullnægjandi hátt, hafi þess verið þörf, að dómi trúnaðarmanna stjórnarinnar.
5. Að framræsla á landi, sem taka á til ræktunar, sitji fyrir framræslu á engjum og beitilandi.

IV. KAFLI

Um verðlagsákvörðun og greiðslu kostnaðar.

14. gr.

Kostnaður við framkvæmdir, er í samþykkt þessari getur, greiðist af verkkaupanda, eftir þeim skildaga og á þann hátt, er tilgreint verður í verktökusamningi þeim, sem um getur í 8. gr. þessarar samþykktar. Heimilt er stjórn ræktunarfélagsins að láta greiðslur fara fram eftir áætluðum verktöxtum meðan verkið stendur yfir ár hvert, en fullnaðarreikningsskil séu byggð á tilkostnaðarverði, eins og það verður samkvæmt rekstrarreikningi hvers árs. Áætlaðir verktaxtar séu miðaðir við tímaeiningu.

15. gr.

Til reksturskostnaðar telst greiðsla vinnulauna, allur reksturskostnaður véla og greiðslur fyrningargjalds af þeim, kostnaður við flutninga þeirra milli vinnustaða, geymslu vélanna og viðhald, er stafar af eðlilegu sliti þeirra, vaxtagreiðslur, afborganir af lánum, kostnaður við verkstjórn og stjórnarkostnaður.

Heimilt er stjórn ræktunarfélagsins að ákveða og leggja á framkvæmdakostnað áhættubókun, er nemi allt að 5% af heildarreksturskostnaði hvers árs.

16. gr.

Aðalfundur ræktunarfélagsins getur heimilað framkvæmdastjórn að taka í ákvæðisvinnu ákveðin verk, sem tilgreind eru í 2. gr. þessarar samþykktar, 4. tölu-lið, staflið a.—c., enda sé lögð fyrir aðalfund kostnaðaráætlun og verklýsing á því, sem vinna á.

17. gr.

Skyt er samþykktaraðilum að hafa greitt til framkvæmdastjórnar, áður en verk er hafið, $\frac{3}{4}$ af áætluðu kostnaðarverði þeirrar vinnu, sem þeir hafa pantað, að frádregnum jarðabótastyrk. Eftirstöðvar greiðast með gjalddaga, sem verktökusamningur ákveður.

115

19. júlí

18. gr.

Heimilt er framkvæmdastjórn á þeim tímum, sem ekki er unnt að vinna að skurðgrefti, lokræsagerð eða jarðvinnslu fyrir samþykktaraðila, að taka að sér verkefni fyrir búendur, hreppsfélag eða aðra aðila á samþykktarsvæðinu, þó að þau falli ekki undir ákvæði 2. gr., ef tryggt er að það sé hagkvæmt fyrir ræktunarfélagið, enda sé tryggt, að vélakostur sé ekki festur við þessi störf, svo að það brjóti í bága við hagsmuni samþykktaraðila.

19. gr.

Rekstrarafgangur og áhættuþóknun, svo og ef ágóði verður af ákvæðisvinnu eða þeim verkum, sem um getur í 18. gr., skal leggjast í stofnsjóð ræktunarfélagsins og varið samkvæmt ákvæðum þeim, sem um hann gilda, sbr. 21. gr.

V. KAFLI

Um fjáröflun o. fl.

20. gr.

Ræktunarfélagið myndar stofnsjóð til vélakaupa. Stofnfjárhæð hans er 56000 — fimmtíu og sex þúsund — krónur.

Stofnfjárins sé aflað þannig:

1. $\frac{1}{4}$ þessarar upphæðar með óafturkræfu framlagi Búnaðarfélags Gnúpverja.
2. $\frac{1}{4}$ leggur búnaðarfélagið fram sem lán, sem endurgreiðist á 5 árum ásamt 3% af fjárhæðinni.
3. $\frac{1}{2}$ fjárhæðarinnar er styrkur úr Framkvæmdasjóði ríkisins, er rennur í stofnsjóð jafnóðum og hann verður greiddur.

Stofnfjárframlag Búnaðarfélags Gnúpverja greiðist til stjórnar ræktunarfélagsins, þegar samþykkt þessi hefur öðlzt gildi.

21. gr.

Verði afgangur af fé stofnsjóðs þegar vélar þær, sem upphaflega verða keyptar, hafa verið greiddar, geymist sú upphæð þar til ákveðið verður að bæta við hinn upphaflega vélakost, sbr. 23. gr. þessarar samþykktar. Heimilt er framkvæmdastjórn að nota fé það til reksturs ræktunarfélagsins, á meðan ekki þarf á því að halda til vélakaupa, enda greiðist þá af upphæðinni 3% í ársvexti, sem renna í stofnsjóð, sbr. enn fremur 19. gr. þessarar samþykktar.

22. gr.

Heimilt er stjórn ræktunarfélagsins að taka reksturslán gegn tryggingu í þeim jarðabótastyrk, sem greiddur verður úr ríkissjóði á umbæturnar, samkv. 2. og 5. kafla jarðræktarlaga.

23. gr.

Komi í ljós síðar að auka þurfi stofnsjóð, að áliti stjórnar ræktunarfélagsins, ber henni að gera um það rökstuddar tillögur og leggja þær fyrir löglega boðaðan fund, þar sem fundarefnis sé getið í fundarboði. Getur sá fundur síðan ákveðið stofnfjáraukningu, er þá verður bindandi fyrir alla aðila ræktunarsamþykktarinnar.

V. KAFLI

Um reikningshald og endurskoðun.

24. gr.

Reikningsár ræktunarfélagsins er almanaksár. Skal reikningsskilum lokið svo tímanlega, að endurskoðun reikninganna geti farið fram áður en aðalfundur

ræktunarfélagsins er haldinn. Skulu endurskoðendur sannprófa, að reikningum 115 beri saman við bækur framkvæmdastjórnar. Þeir skulu kynna sér reksturinn sem 19. júlí bezt og hafa eftirlit með starfsemi framkvæmdastjórnar í hvívetna.

VII. KAFLI

Um breyting samþykktá og hvernig samþykkt verði úr gildi felld.

25. gr.

Tillögur, sem fram kunna að koma til breytinga á samþykkt þessari frá einstökum félagsmönnum, skal senda stjórn ræktunarfélagsins. Þær skulu síðan lagðar fyrir aðalfund félagsins. Samþykki löglegur aðalfundur breytingartillögurnar með a. m. k. $\frac{2}{3}$ atkvæðisbærra fundarmanna, skal stjórn ræktunarfélagsins senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

26. gr.

Samþykktir þessar má því aðeins nema úr gildi, að rökstutt álit meiri hluta samþykktaraðila liggi fyrir um, að tilgangi samþykktarinnar verði ekki náð og lögmætur aðalfundur ræktunarfélagsins samþykki það með a. m. k. $\frac{2}{3}$ atkvæðisbærra fundarmanna, enda komi samþykki landbúnaðarráðherra til.

27. gr.

Nú er samþykkt úr gildi felld, sbr. 26. gr., og renna þá eignir ræktunarfélagsins til Búnaðarfélags Gnúpverja. Skiptast þær eftir sömu reglum og farið var eftir við framlög til stofnsjóðs ræktunarfélagsins.

28. gr.

Með brot á samþykkt þessari skal farið sem almenn lögreglumál.

29. gr.

Samþykkt þessi gengur í gildi er hún hefur verið staðfest af landbúnaðarráðherra.

Samþykkt þessi staðfestist hér með samkvæmt lögum nr. 7 12. janúar 1945, um jarðræktar- og húsagerðarsamþykktir í sveitum, og reglugerð um jarðræktarsamþykktir frá 20. febrúar 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Landbúnaðarráðuneytið, 19. júlí 1946.

F. h. r.

Vigfús Einarsson.

Árni G. Eylands.